



REPUBLIKA E SHQIPËRISË
KOMISIONERI PËR MBIKËQYRJEN E SHËRBIMIT CIVIL

Nr. 144/2_prot.

Tiranë, më 14.02.2022

VENDIM

Nr.19, datë 14.02.2022

**PËR
PËRFUNDIMIN E PROCESIT TË VERIFIKIMIT TË EKZEKUTIMIT TË
VENDIMIT TË KOMISIONERIT NR. 53, DATË 03.03.2021**

Në mbështetje të kompetencave ligjore të parashikuara në nenet 11, pika 1 dhe 14 të ligjit nr. 152/2013, “Për nëpunësin civil”, i ndryshuar, dhe Rregulloren, “Mbi procedurat e mbikëqyrjes/inspektimit”, miratuar me Vendimin Nr. 17, datë 11.03.2015, të Komisionerit për Mbikëqyrjen e Shërbimit Civil, pas shqyrtimit të relacionit dhe mendimit paraprak të Drejtorit të Përgjithshëm të Inspektimit dhe Mbikëqyrjes dhe Drejtorit për Çështjet Juridike dhe Marrëdhëniet me Jashtë, në lidhje me verifikimin e zbatimit të Vendimit të Komisionerit Nr. 53, datë 03.03.2021, të Komisionerit, “Mbi përfundimin e hetimit administrativ me objekt vlerësimin e pjesshëm të ligjshmërisë së procesit të ristrukturimit në Drejtorinë e Përgjithshme të Gjendjes Civile, pranë Ministrisë së Brendshme filluar në bazë të informacionit të përcjellë me kërkesën nr. 390 prot., datë 03.03.2021, prej nëpunëses
*****.”

KONSTATOVA SE:

Nëpërmjet një kërkesë të regjistruar pranë Komisionerit për Mbikëqyrjen e Shërbimit Civil, me nr. 390 prot., datë 3.3.2021, nëpunësja ***** ka parashtruar pretendimin se, transferimi i saj për shkak të ristrukturimit të institucionit, në pozicionin “Specialist në Sektorin e Shërbimeve”, në Drejtorinë e Administrimit të Regjistrave dhe Kontrollit të Shërbimeve, Drejtoria e Përgjithshme e Gjendjes Civile, në Ministrinë e Brendshme, është i padrejtë.

Për verifikimin e informacionit, Komisioneri ka kryer hetimin administrativ të këtij rasti, duke kërkuar nga institucioni i Ministrisë së Brendshme të dërgojë të gjithë dokumentacionin që disponon në lidhje me këtë rast.

Ky proces është përmbyllur me Vendimin nr.53, datë 17.05.2021, të Komisionerit, “Mbi përfundimin e hetimit administrativ me objekt vlerësimin e pjesshëm të ligjshmërisë së

*procesit të ristrukturimit në Drejtorinë e Përgjithshme të Gjendjes Civile, pranë Ministrisë së Brendshme filluar në bazë të informacionit të përcjellë me kërkesën nr. 390 prot., datë 03.03.2021, prej nëpunëses *****.”*

Me kalimin e afatit të lënë në Vendimin e mësipërm, Departamenti i Administratës Publike ka informuar Komisionerin në lidhje me veprimet administrative të ndërmarra në zbatim të detyrave të lëna në dispozitivin e vendimit paralajmërues, duke bashkëngjitur dokumentacionin që provon zbatimin e tij.

Mbështetur në detyrat e lëna në Vendimin nr.53, datë 03.03.2021, si dhe duke verifikuar veprimet administrative të kryera nga Departamenti i Administratës Publike, të materializuara në dokumentet shkresore përkatëse, situata e administrimit të shërbimit civil për rastin në fjalë paraqitet si më poshtë vijon:

Komisioneri ka kërkuar nga njësia përgjegjëse DAP, për të rregulluar gjendjen e ligjshmërisë, të veprojë sipas masave të përcaktuara në dispozitivin e vendimit nr.53, datë 03.03.2021, të Komisionerit për Mbikëqyrjen e Shërbimit Civil.

Konstatohet se, Departamenti i Administratës Publike, me shkresën nr.2611/3 prot., datë 24.06.2021, “Përcillen vendimet e Departamentit të Administratës Publike në zbatim të vendimeve nr. 35, datë 08.04.2021 dhe nr. 53, datë 17.05.2021, të Komisionerit për Mbikëqyrjen e Shërbimit Civil”, dërguar Ministrisë së Brendshme dhe për dijeni Komisionerit, ka bashkëlidhur vendimin nr.21 prot., datë 24.06.2021, në të cilin ka vendosur anulimin e pikës 84, të aktit nr. 1320/66, datë 19.02.21, “Për transferimin e përhershëm të nëpunësve në kuadër të ristrukturimit të institucionit” dhe ka rikthyer për rishikim të pjesshëm propozimin e Komisionit të Ristrukturimit.

Gjithashtu rezulton se, se me vendimin e Komisionit të Ristrukturimit me nr. 2059/5 prot., datë 01.10.21, është vendosur transferimi i përhershëm i ***** nga pozicioni “Specialist” në Sektorin e Dokumenteve të Identitetit, në Drejtorinë e Sistemeve Informatike, në Drejtorinë e Përgjithshme të Gjendjes Civile, kategoria e pagës III-b, në pozicionin “Specialist” në Sektorin e Administrimit të Regjistrave, në Drejtorinë e Administrimit të Regjistrave dhe Kontrollit të Shërbimeve, në Drejtorinë e Përgjithshme të Gjendjes Civile, në Ministrinë e Brendshme, kategoria e pagës III-b.

Vërej se, nga ana e njësisë Përgjegjëse DAP janë zbatuar rekomandimet e lëna në Vendimin Paralajmërues nr. 53, datë 03.03.2021, të Komisionerit.

PËR KËTO ARSYE:

Bazuar në nenet 11, pika 1 dhe 14 të ligjit nr. 152/2013, “Për nëpunësin civil”, i ndryshuar; ligjin nr. 44/2015 “Kodi i Procedurave Administrative i Republikës së

Shqipërisë” dhe Rregulloren, “Mbi procedurat e mbikëqyrjes/inspektimit”, miratuar me Vendimin Nr.17, datë 11.03.2015, të Komisionerit për Mbikëqyrjen e Shërbimit Civil,

VENDOSA:

1. Përfundimin e procesit të verifikimit të zbatimit të Vendimit Nr.53, datë 03.03.21, të Komisionerit datë 17.06.2021, të Komisionerit, *“Mbi përfundimin e hetimit administrativ me objekt vlerësimin e pjesshëm të ligjshmërisë së procesit të ristrukturimit në Drejtorinë e Përgjithshme të Gjendjes Civile, pranë Ministrisë së Brendshme filluar në bazë të informacionit të përcjellë me kërkesën nr. 390 prot., datë 03.03.2021, prej nëpunëses *****”.*
2. Konstatimin e rregullimit të ligjshmërisë nga ana e institucionit Drejtoria e Përgjithshme e Gjendjes Civile, në Ministrinë e Brendshme, duke zbatuar rekomandimet e vendimit nr.53, datë 03.03.2021.
3. Për këtë vendim të njoftohet Departamenti i Administratës Publike, Drejtoria e Përgjithshme e Gjendjes Civile në Ministrinë e Brendshme dhe nëpunësja *****.

Ky vendim hyn në fuqi menjëherë.

KOMISIONERI

Pranvera Strakosha